

炎綏

傲廣

紀紀

聞事





聞 紀 徼 炎

撰 成 汝 田

王雲五主編

叢書集成初編

炎徼紀聞及其他一種

中華民國二十五年六月初版

徐

發行人

王雲五
上海河南路五

印刷所

商務印書館
上海河南路

發行所

商務印書館
上海及各埠

欽定四庫全書提要

炎徵紀聞四卷。明田汝成撰。汝成字叔禾。錢塘人。嘉靖丙戌進士。官至廣西布政司右叅議。事迹具明史文苑傳。史稱其博學工古文。尤善敘述。歷官西南。諳曉先朝遺事。撰炎徵紀聞。卽此編也。書凡十四篇。首紀王守仁征岑猛事。次紀岑璋助擒岑猛事。次紀趙楷李寰事。次紀黃琮請立東官事。次紀征大藤峽事。次紀奢香事。次紀安貴榮事。次紀田琛事。次紀楊輝事。次紀阿溪事。次紀阿向事。次紀雲南諸夷。次紀猛密孟養。次雜紀諸蠻夷。每篇各繫以論。所載較史爲詳。前有汝成自序。稱自涉炎徵。所聞諸事。皆起於撫綏缺狀。賞罰無章。切中明代之弊。其論田州之事。歸咎於王守仁之姑息。論黃鉞之事。歸咎於于謙之隱忍。亦持平之議。不蹈門戶之見。史稱汝成分守右江時。龍州土酋趙楷。憑祥州土酋李寰。各弑主自立。與副使翁萬達密討誅之。努灘賊侯公丁爲亂。斷藤峽羣賊與相應。汝成復偕萬達設策誘擒公丁。而進兵討峽賊。大破之。又與萬達建善後七事。一方遂靖云云。則汝成於邊地情形。得諸身歷。是書據所見聞而記之。固與講學迂儒。貿貿而談兵事者。迥乎殊矣。

原序

余承乏藩臬者十餘年。而宦履所經。半涉炎徼。炎徼之政。少催科獄訟之擾。其卒然隳突。驚心駭目者。多夷情。而夷情之尤掣肘者。在乎土酋獷悍。抗敗王略。效尤習惡。逆節比起。法令格閼而不行。駸駸乎尾大不掉之患。雖欲羈縻。漸不可得。以治理論之。中原易而遠方難。近之可憂。未若遠之可憂也。故先王慎擇遠方之吏。若谷永守鬱林。而烏潯內屬。李靖撫嶺南。而遠夷悅服。若我朝沐英寧王鎮雲南。而滇酋按堵。黃忠宣公治安南。而交人不忍遽叛。皆由此選也。今之仕者。率樂中原而厭遠方。一閱除書有遠方之命。卽索然沮喪。無復用世之志。秉鈞者因而循之。遠方之吏。半出遷謫之科。不然。則樸懦無援者也。夫遷謫者。抱憤躁之懷。樸懦者。無統御之略。措鈍器于盤錯之交。難乎其解矣。譬諸一身。中原心腹也。遠方四肢也。四肢有疾而委之庸醫。善攝生者。固如是乎。故遠方之吏。非廉不足以彰威。非信不足以立約。非才識不足以排難解紛。非久任不足以諳土俗。練兵機也。自余涉炎徼。而所聞若干事。皆起於撫綏缺狀。賞罰無章。不肖者。以墨守敗績。賢者。以避嫌微名。二事殊轍而同敝。卒致干戈相尋。蔓延荼毒。下竭生民之膏血。上貽廷議之軫憂。良可歎也。間述所聞。著爲此書。凡一十四篇。大方伯希齋陳公。見而喜之。曰。其事核。其言詳。不虛美。不隱惡。是可梓而行也。且再三強余序諸首簡。以宣著作之本指。夫公之有取於是書者。豈直以文字之華哉。無乃以其有關於政紀也。況公行有節鉞之賜。萬一開府南陲。展是書而覽之。則鑒

炎微紀聞 原序

昔慎今之餘。或少裨於幕議云耳。是爲序。嘉靖三十七年夏五月錢塘田汝成撰。

炎徼紀聞卷一

明 田汝成撰

岑猛

岑猛者廣西田州府土官也。自敍漢舞陰侯岑彭後。宋元間世爲安撫總管等官。洪武初岑伯顏以田州歸附高皇帝嘉之爲立府治。使世襲知府。三傳而溥爲知府。生二子長獠次猛。宏治六年九月獠以失愛弑溥江中。土目黃驥李巒發兵誅獠。旣而驥巒有隙。驥以猛奔梧州。督府奏猛襲溥官。納之田州。兵備副使汪溥慮巒方命。乃檄思恩知府岑濬以兵衛猛。濬方豪舉行兩江。驥遂賂濬。協猛分地畀驥。始共往。猛不得已而從之。比至田州李巒拒不納。驥復以猛奔思恩。十一年都御史鄧廷瓚檄濬歸猛。濬不從。尋遣副總兵歐磐。市政使程廷珙以兵徵之。濬始釋猛。督府納之田州。與濬構釁。不可居解。是年七月濬入田州殺李巒。十五年十月濬陷田州。猛走免。濬僞以族子洪守田州。十八年都御史潘蕃等疏濬罪狀。詔發湖兵一萬討濬。濬敗死。族誅。改流官知府。降猛福建平海所千戶。正德初猛賂太監劉瑾。矯詔以猛爲田州府同知。猛撫輯遺民。兵威復振。稍稍侵旁郡。自廣復冀軍功序。遷知府爲重。乃言督府征調願先鋒。而督府旗校至田州者。猛率厚賂結謹。譽猛者籍甚。會江西華林峒賊反。都御史陳金檄猛從征。猛兵沿途剽掠。民皆徙村避之。爲之謠曰。華林賊來亦得。土兵來死不測。黃狐跳梁白狐立。十家九家邏柴棘。頃之

賊平。金疏猛功伐。稍遷指揮同知。猛授官非始願。怨望驕蹇。而督府旗校。又不得攫賂如昔時。於是浸潤毀猛。而猛復恃其兵力。凌轢諸士官。平生睚眦怨。必報而後已。或言猛蓄不軌。都御史盛應期持比牘。猛冀墨其貲。猛顧發舒出不遜語。應期恚恨。疏猛旦暮必反狀。請征之。未報。應期去位。而都御史姚鏐代之。鏐雅知猛無反心。欲不舉。而鏐子涑亦以書諫。請勿征。時巡按御史謝汝儀與鏐有隙。故事。御史謁督府。從掖門入。汝儀直入儀門。鏐眎從官卻之。汝儀大怒。廉得深書。誣涑納猛萬金。鏐惶恐。乃再疏請征猛。詔曰。可。嘉靖五年四月。鏐偕總兵官朱麒等發兵八萬。以都指揮沈希儀、張經、李璋、張佑、程鑑等五將軍統之。分道並進。猛謂其部下曰。岑氏世荷天恩。有罪可乞憐免也。兵至。毋交鋒。乃裂帛書狀陳軍門。言蠆虱小臣。非有他意。惟天官察之。鏐不聽。督兵益急。猛長子邦彥守工堯隘。沈希儀擊斬之。諸軍繼入。猛懼。謀出奔。而歸順州知州岑琬。猛婦翁也。其女失愛屏居。璋欲藉此報猛。乃甘言誘猛走歸順。煇殺之。斬首歸官軍。語在璋傳。先是猛三子。邦彥敗死。邦佐出後其族武靖州知州。邦相亡不復。而邦彥側室子芝。祿匿民間。謨見岑氏單弱。計田州可遂滅。乃陳狀疏請流官治田州。上從之。未幾。田州土目盧蘇糾思恩土目王受等。挾邦相反。兩江皆震。會御史汝儀滿去。御史石金代之。金黨汝儀。而左布政使嚴紘僉事張邦信。又素不爲鏐所喜。紘遂倡言猛實不死。歸順僞以肖猛者當之。又言有自右江來者。聞思恩已陷。岑猛糾交趾叛臣莫登庸反矣。省城旦暮不保。靖江諸宗室洵洵流言。有挈家奔避者。金遂劾鏐。罔上寡謀。攘夷無策。圖田州不可得。并思恩而失之。上大怒。以璽書切責鏐落職。而吏部侍郎桂萼言提督兩廣非新建。

伯王守仁不可。上從之。敕守仁兼兵部尙書、總制兩廣江湖四省軍務。時守仁家居。鎮守代未去。欲徵兵平田州。自贖。乃檄兩廣三司議軍事。而張邦信分巡蒼梧。欲陰壞其事。給郵吏發檄東西交竄之。頃之兩廣三司皆以檄非是。白事。鎮大怒。疑左右胥掾所誤也。呼曰。吾事敗矣。竟鬱鬱守代。六年十一月。守仁至蒼梧。時諸夷聞守仁先聲。皆股栗聽命。而守仁顧益韜晦。見田州已張。岑氏不可遂滅。乃以明年七月。至南寧。使人約降蘇受。蘇受許諾。而以精兵二千自衛。至南寧。投見有日矣。而守仁所愛指揮王佐。門客岑伯高。雅知守仁無殺蘇受意。使人言蘇受須納萬金。勾命。蘇受大悔。悲言督府誑我。且倉猝安得萬金。必欲萬金。有反而已。守仁有侍兒。年十四矣。知佐等謀。夜入帳中告守仁。守仁大驚。達旦不寐。使人言蘇受毋信讒言。我必不殺若等也。蘇受疑懼未決。言來見時。必陳兵衛。守仁許之。蘇受復言軍門左右祇候。須盡易田州人。不易卽不來見。守仁不得已。又許之。蘇受入軍門。兵衛充斥。郡人大恐。守仁數之。論杖一百。蘇受不免甲而受杖。杖人又田州人也。諸夷皆驚。莫測守仁意指。守仁乃疏言思田構禍。荼毒兩省。已踰二年。兵力盡于哨守。民脂竭于轉輸。官吏罷于奔走。地方號杌。如破壞之舟。漂泊風浪。覆溺在目。不待智者而知之。必欲窮兵雪憤。以殲一隅。無論不克。縱使克之。患且不守。況田州外捍交趾。內屏各郡。深山絕谷。獐獠盤踞。盡誅其人。異日雖欲改土爲流。誰爲編戶。非惟自撤其藩籬。而拓土開疆。以資隣敵。非計之得也。今岑氏世效邊功。猛獨註誤觸法。雖未伏誅。聞已病死。臣謂治田州。非岑氏不可。請降田州爲州治。官其子邦相爲判官。以順夷情。分設士巡檢。以盧蘇等爲之。以殺其勢。添設田寧府。統以流官知府。以總

其權。又言文臣如左布政使林富、宜爲巡撫。武臣如都指揮同知張佑、宜爲總兵。上皆嘉納從之。守仁旣罷田州之役，遂移兵率盧蘇等攻入寨賊，破之。復上言盛稱蘇受等功伐。時兵部侍郎張璁及桂萼等已浸淫毀守仁處田州非是，上頗疑焉。會守仁薨，而都御史林富代爲提督。富奏言田州疆土險阨，外屏南蠻，若改設流官，則邊防之守，我獨當之。弘治間，岑濬絕後，改設流官。二十年來，叛者數起，糜費財力，不可勝言。田寧之事，爲鑒不遠，思恩是也。臣議以爲田州宜降州治，不必再設府治，以騷遠夷。朝議許之。乃以岑邦相爲判官，以張佑充副總兵，鎮守其地。敕曰：滿三年乃代。時邦相纔十五六，佑兒子畜之，而盧蘇自矜，與復復岑氏有功，專制生殺，威行部中。號曰布伯。布伯者，猶華言主管也。邦相擁虛位而已。遂與盧蘇有隙。十一年二月，佑任滿，將詣督府求代。意已與邦相有父子恩，餞贐必腆。比行，邦相治具供帳，僅值二百金。佑大怒，潛語盧蘇。盧蘇曰：仔誠無狀，主公何不庭撻之。佑言盧變。盧蘇曰：老奴在，何敢也。明日，佑遂以他事下撻邦相。盧蘇陽頓首請免。邦相知非由衷也，愈益恚恨。蘇遂與佑比，而批格邦相。時邦彥之子芝，髻鬪矣，佑搜得之，育之別室。邦相時時欲購殺之。會佑不果代，留鎮得免。是年十一月，督府以西山之役，檄佑從征。佑遂置芝衣篋以行，而邦相復供帳，甘言謝佑。行毒酒中，旣罷而邦相覺芝亡，追捕弗及。佑以之奔梧州。都御史陶諧亦兒子畜芝。時時召飲食。明年二月，佑毒發死。十三年六月，盧蘇遣其黨黃對、刺邦相弗克。邦相遂與土目羅玉、戴慶謀伐盧蘇。蘇覺之，稱疾不出。會其妻生日，諸土目率妻子來賀，遂入問疾。蘇伏甲寢中。諸土目曰：布伯何疾苦。幸強飯自愛。蘇曰：賴公等之靈，疾苦何足恤。惟旦夕首領

不保耳。諸士目曰：布伯何故出此言？一州人誰不延頸願爲布伯死者？蘇曰：噫，安敢望州人也？但得公等同心，緩須臾死足矣。諸士目覺蘇話言非是，皆應曰：誰敢不同心者？蘇因指羅玉、戴慶，謂諸士目曰：公等雖同心，如二豎何？言訖而甲與執玉慶座中斬之。因劫諸士目曰：主人之不德，公等所知也。孺子芝、實岑氏嫡裔，不於此時樹立，後難圖矣。諸士目皆懼，頓首曰：敢不惟命。蘇曰：須公等留妻子爲質，卽日以甲士千人劫諸士目，偕攻邦相，執而囚之。九月，盧蘇殺邦相，焚其屍，行賂都御史諸言、邦相病死無後，芝當敘立，謹率州人合辭以請。諸遂縱芝歸田州，寢其事不問。於是猛仲子邦佐爭立，而鎮安府土舍岑眞寶、泗城州土舍岑施東、蘭州土舍韋起雲、那地州土舍羅廷鳳等咸憤盧蘇以僕殺主也，合兵助邦佐攻田州。入之，殺掠萬人。盧蘇僅以身免，而歸順州土舍岑瓚、蘇壻也。蘇急求救於瓚，瓚遂乘虛擣鎮安。眞寶聞之，引兵去。盧蘇追躡擊之，眞寶大敗，精兵死者八千人。兩江大駭，諸乃遣人諭眞寶等曰：邦相實病死，何與盧蘇？而爾等自相魚肉，何也？會諸已憂去，都御史潘旦、蔡經相繼代之，咸不欲反諸前議，將以邦相病死聞。且曰：田州遣孽遞起，黎民塗炭，府藏空虛，假令朝廷復以盧蘇故問罪興師，嶺右之禍安可救也？於是副使蕭晚、左參議陳大珊當勘議曰：盧蘇敗略稱亂，弑主戕民，罪惡通天，安可蓋也？今日之事，第當直敘以聞，乞令自贖，不及征討足矣。督府不聽，遂言邦相不孝，奪其母贍田。虐部下，盧蘇因衆怨而殺之，朝議果置蘇不問。於是兩江土官咸拊膺嘆曰：殺人不抵弑主無刑，吾輩手足腎腸皆懸僕妾矣。十七年，藤峽之役，兩江土官咸集，而盧蘇與其子鳳以兵從，屬指揮王良輔部下。軍興，蘇鳳故逗遛不進，且阻良輔軍。

於他所。而父子自爲一軍。多縱賊逸去。良輔以狀白監軍副使翁萬達。萬達密與副總兵張經、及汝成、謀曰。峽賊雖當誅。不過殺人剽貨耳。盧蘇之罪。十倍峽賊。釋此不誅。而首誅峽賊。何異舍豺狼而責狸鼠也。吾欲與公等倡義斬之。何如。經、汝成曰。僕等抱心久矣。與公協謀。幸甚。然爲之奈何。萬達曰。向武州土舍黃仲金者。盧蘇之宿黨也。近聞有恨於盧蘇。而黨於岑芝。召而圖之。無不可者。經等曰。然。乃召仲金語故。仲金叩頭曰。小人抱心久矣。若得軍門主張。當斬此賊於萬軍之中。令其軍帖然不動。經等遂與敵血爲盟。而隱之。乃爲書暴蘇罪亂狀。言於督府曰。田州頭目盧蘇。黨逆猛搆亂。荼毒兩江。猛誅蘇。復結王受稱兵。再謀不軌。迫逐守臣。攻陷旁郡。姚中丞討之而未終。王新建撫之而有待。豈期新建尋故。大愆逋誅。海內扼腕。蘇獸心益肆。悔艾罔聞。敢以睚眦之讐。弑其主邦相。往時諸夷猶知主僕名分。忌不敢犯。於今則滅裂綱常。厲階爲梗。茲者。藤峽之役。分道進攻。紫荆諸巢。實其吭背。須得銳甲。乃可成功。初以蘇懲創之餘。必盡死力。分隸首隊。企有悛心。不意豺狼之資。傲很如故。藐視軍令。違限五晨。及至屯軍左次。便地賣路縱賊。幾敗膚功。若不殲此老奸。則兩江土官。誰肯用命。況倡議發難。實自其心腹。黃仲金爲之。非某等所能強迫也。仲金識事體。聽其言有奇氣。內訐外掎。萬萬無慮。不然。彼亦豈肯蔑身家而履奇禍。輕然諾以讐黨與哉。事出有名。機不可再。惟明公圖之。都御史經閱書大駭。報曰。今日之事。受命征峽賊。不聞取盧蘇。何監軍之多事也。卽日遣旂牌星馳營中坐鎮。於是機事洩。而盧蘇夜遁。萬達頓足歎曰。惜哉。愚也。悔不先發後聞耳。

論曰。嗚呼。予涉廣西。聞父老言田州事。未嘗不三嘆馭夷之失策也。國家以上官治南蠻。蓋周人疆以戎索之意。自韓襄毅公之後。而軍門號令漸已不張。要皆自取。岑猛倚強跋扈。罪誠有之。誅其君而弔其民。誰曰不可。應期始以私望。當猛大逆。何以服其心也。盧蘇倡亂。抗敗王師。雖入議不宥。新建伯受鉞專征。總制四省。撲殺此獠。直拉朽耳。而顧以姑息訖事。何哉。副使翁萬達曰。新建伯之將薨也。予適侍側。言田州事非我本心。後世誰諒我者。而參將余恩亦言田州乃陽明公未竟之功。然岑猛實伏誅。而疏言病死。蘇受大愆漏網。而盛稱其功。此何解也。迨乎盧蘇再叛弑主。犯諸酋之怒。當是時。諧肯以一札詰之。正名其罪。可不遺隻鏃。費斗糧。而此獠齎粉矣。蔽奸罔上。失諸夷心。彼其人。寧復顧國家大體哉。若夫紘金。汝儀。邦信。讒妬參合。誣人以逞。直苛姦淺夫。不足責矣。予又聞員外郎吳鼎曰。新建伯之起用思田也。蓋桂萼之力居多。云萼自以遭時際主。致位宰輔。非立奇功。不足賈重後世。會安南有亂。冀可傳檄取之。乃陰以意指授守仁。若專爲思田出者。使密探安南要領。而守仁竟忤萼指。直於奏尾稍稍及之。萼遂悲憾。會守仁物故。而以他事發。怒詘其名。嗚呼。使其然。譎祕又何如也。

岑璋

岑璋者。歸順州土官也。多智略。善養士兵。冠右江。時岑猛以不法獲譴。督府奏猛反狀。請令諸土官能擒馘猛者。賜千金。秩一級。畀其半地。黨助者。連誅之。敕曰。可。旣而都御史姚謨將舉兵。慮璋以婦翁黨猛。召都指揮沈希儀問計。希儀雅知璋女。失寵。恨猛有隙。乃對曰。願公按兵旬日。當探領要以復也。鏃許諾。希

儀旣出而部下千戶趙臣者雅善璋希儀召趙臣問計曰吾欲役璋以破猛若何臣對曰璋多智而遲疑誠直語之必不信可以計遣難以力役也希儀曰計將安出臣曰鎮安歸順世讎也公使人歸順則鎮安疑使人鎮安則歸順疑公若遣臣徵兵鎮安璋必邀臣詢所以臣以死漏洩端倪可動也希儀曰善乃帖臣徵兵鎮安而臣枉道詣璋所璋見臣來喜迺曰久不見君君亦肯念我來耶臣故默然若不豫色者璋曰趙君嗔乎臣曰肺腑之交契闊之想安所嗔也稍語須臾嘆息而起璋疑之明日璋置酒款臣臣愈益默然璋曰怪哉趙君軍門過督我耶臣曰不然璋曰豈璋受侮鄰讐將逮勘耶臣曰不然璋乃挽臣臥室跪叩之臣潛然泣下璋亦泣曰嗟呼趙君璋今日死卽死耳君何忍祕厄我臣乃言曰與君異口駢心有急不敢不報今日非君死卽我死矣璋曰何故臣曰軍門奉旨征田州謂君以婦翁黨猛將檄鎮安兵襲君我不言君必死矣我言之而君驟發敗機事我必死是以泣耳璋大驚頓首曰今日非趙君我且赤族矣遂強臣稱病留傳舍而亟遣人馳希儀所備陳猛反狀恐波及願設計自效希儀許之遂以白鏐鏐大喜不復疑璋而專意攻猛勒兵五道以都指揮沈希儀李璋張佑程鑒張經等將之而參政胡堯元等分道督進猛子邦彥守工堯隘璋遣兵千人助邦彥曰聞天兵至將以姻黨誅我今日義同死不忍坐仆此皆精兵可當一面者邦彥欣納之璋復遣人潛告希儀曰謹以千人內應矣皆寸帛綴裙裏慶戰時當拔示幸天兵擇舍之希儀許諾時田州兵殊死守戰諸將軍莫利當隘者希儀獨引兵當之約戰三合希儀以奇兵千餘騎間道繞隘側旗幟閃閃而不覩歸順兵大呼曰敗矣敗矣天兵間道入矣田州兵驚潰希

儀麾兵乘之。風披。斬首數千級。邦彥死焉。猛聞敗。欲自經。而璋先已築別館僻隈。美女妖童。牲穀咸備。至是使人詣猛曰。事急矣。願主君走歸順。三四夕可抵交南。再圖興復。未晚也。時猛倉皇不知所度。遂挺身佩印。從璋使走歸順。璋陽泣而迎之。奉之別館。猛既入處。左右無一田州人。耳目塗塞。而璋日詭猛曰。天兵退矣。又曰。天兵聞君走交南。不敢輒犯。請事軍門矣。猛聊喜慰。而胡堯元等。嫉希儀獨破隘攘功。以萬人擣歸順。璋先覺之。遣人持百牛千醢。迎軍三十里曰。天兵遠勞。謹饋犒飲。每牛加牯繫之一枹。侑列十醢。堯元等怪璋暇整。而諸軍得犒喜。遂屯不進。璋復構茅舍千間。一夕而訖。諸軍安之。璋乃綸巾。覽服。雜佩上首。揮塵尾。逍遙詣諸將叩首曰。死罪死罪。昨猛敗。將越歸順走交南。璋邀擊之。猛目集流矢。南去不知所往。急之恐糾逆會反。幸緩五日。當搜致也。堯元等許之。璋還詭猛曰。天兵已退。非陳奏不白。請君裁之。猛曰。固所願也。安得屬草者。璋曰。易易耳。今人爲猛草奏。促猛出印實封之。璋既知猛印所在。乃設酒賀猛。鼓樂殷作。酒中以錦衣二襲。煖飲一甌。獻猛曰。天兵索君甚急。不能庇覆。請自便。無波及也。猛大怒。呼曰。竟墮老奸矣。遂仰煖死。璋斬其首。并府印函之。間道馳詣軍門。度已到。乃斬他囚首。貫猛屍。昇擲諸軍。諸軍囂攘支解。爭擊殺十餘人。飄馳軍門。則猛首已梟一日矣。諸將大悲恨。遂浸淫毀璋。而布政使嚴紘等。復害鏌。陰壞其事。倡言猛實不死。死者道士錢一眞也。御史石金。遂劾鏌落職。而希儀等俱不論功。璋大恨。遜職於子璫。而黃冠學辟穀矣。

論曰。岑猛之伏誅也。岑璋倚之。趙臣啓之。沈希儀主之。而功皆不錄。何以勸後來也。兩廣威令。寔不行於

土官什九類此。書生無遠略。有司惜小費。急則倉皇漫許。已則辟咎食言。瑣瑣戚戚。興讒參嫉。覩負不顧。彼其人寧惜軍國重計哉。

趙楷 李寰

趙楷者。廣西龍州土官族子也。其先趙帖堅。洪武初。以萬戶府歸。改知州。六傳而至趙源。源妻岑氏。田州知府岑鏞女也。負其家勢。專制部中。源死無子。而庶兄溥有二子。長相次楷。州人推相當立。楷妬之。謂岑氏曰。主何不自地相誠立。則州非主有也。何不購乳子而擁之。以主家之靈。誰敢異議者。是主世世有龍州也。岑深然之。遂以媵僕韋隊之子璋。詭云遺腹鞠之外家。而岑之兄子猛方熾。乃遣府目韋好。以兵三千納璋龍州。弗克。楷遂奏言璋實源子。當立爲相。所篡事下督府。而楷、璋通賂上下。莫敢主相之議。乃更立源孽子寶。楷遂畔命。其臣張談切諫。楷曰。我土官雜襲夷風。脫略王法。徵兵不待符檄之合。慮囚不煩律例之讞。盼睞則蒞生輝屋。揮霍而壯士失色。若此者何。權重於所專。而威加於所積故也。談曰。不然。主知其二。不知其三。主家簪纓而禪者。九世矣。保首領者。幾人也。倘爲農夫以沒齒。安有殺戮之憂哉。語曰。厲憐王。夫厲惡疾也。而猶憐王者。誠憫生而惕禍也。楷知談劄切已也。不懌而罷。談亦逃去。他日督府復以前令諭楷。楷計寶弱易與。且趙宗單。寶死官必及己。不如微厚利而徐圖之。兩得。乃陽應曰。願以官還寶也。督府大喜。令寶以千五百金謝楷。益以腴田三十一村。楷既得田。愈富厚。招諸奸猾自翼。復求韋璋之子應育之。令往來寶所。應美姿容。自憲。寶妻通焉。動息必以告楷。楷乃爲應奏言。應源孫也。宗亂二世。

不得立。事下督府。都御史蔡經猶豫不敢決。而寶日荒悍。嘗宮妓男子王良。以爲閹者。楷召良激之曰。汝絕代人也。畿甸之民。忍殘其身以干進者。欲藉勢宦家微富貴耳。汝安所圖哉。藏頭閹闖。與獷豕無異。曾不若騰馬壘牛之適也。良曰。恨不剔腎報之。楷曰。誠欲報耶。吾爲若主何如。良曰。幸甚。楷乃糾州目鄧瑀。李旭。林盛等。謀伐寶。州人怨寶莫爲言。十六年九月。楷遂以千人伐寶州。入寢門呼良曰。至矣。良聞楷聲。開門納楷。執寶寢所斬之。截枝拇。及以寶妻去。變聞。會安南莫登庸篡自立。朝議征之。登庸笑曰。中國土官。比比弑逆。數十年無能正法者。而獨慮及我何哉。頃之。憑祥叛。酋李寰比周於楷。都御史蔡經憂之。屬副使翁萬達及汝成曰。願二君戡定。萬達謂汝成曰。此賊非計擒。禍且不測。時汝成鎮撫藤峽。萬達獨行部至南寧。故沈滯不爲理。州人大譁。萬達曰。趙氏之族殫矣。非楷莫立者。願負罪不勾我。故遲之耳。楷聞之。頗慰。萬達乃遣人謂楷曰。楷誠以三十一村贖罪。我當貸之。且以官畀。楷益喜。萬達愈厚與之。時稱楷智勇冠軍。卽南征。可當一面。楷遂統精兵千人。詣萬達言事。且以三十一村地圖來獻。萬達留語旬日。楷寢慰弛不爲備。部兵多以乏糧遣歸者。萬達召楷及鄧瑀等入見。伏壯士劫之曰。汝輩滔天罪。不得活。命盡今日矣。宜自爲計。楷死。官必及汝子。可爲書諭汝黨勿亂也。楷皇皇頓首曰。門祚衰薄。喪亂頻仍。官府悉以罪楷何也。楷誠死。而官府食言。官不及楷子奈何。萬達曰。食言者有如此日。呼血而與之盟。楷乃流涕頭搶地曰。楷知罪矣。爲書諭其黨曰。業已如此。亂無益也。可善撫我子以存趙氏。萬達旣得書。卽日杖楷等斃之。以楷書諭其州人。時楷子匡時生四年矣。會汝成立之一州悉定。乃以十三村還龍州。十八